

**I. ATALA****BIZKAIKO LURRALDE HISTORIKOKO FORU ADMINISTRAZIOA****Bizkaiko Foru Aldundia****Ekonomi eta Lurralde Garapena Sustatzeko Saila**

Bizkaiko Foru Aldundiaren 28/2018 FORU DEKRETUA, martxoaren 6koa, Innobideak-Kudeabide 2018 programa arautzen duten oinarriak eta lehen deialdia onesten dituena.

Enpresen lehiakortasunak hainbat oinarri izan ditzake; gaur egun, funtsezkoena berrikuntza da, baina beste batzuk ere badaude: bezeroen kudeaketa hobea, produktuen kalitatea, etab. Hala ere, badago enpresa lehiakorrenak duten ezaugarri komun bat: aktibo material eta ez-materialen kudeaketa ona.

Ildo horretan, gaur egun, kudeaketa aurreratua gero eta garrantzitsuagoa da, batez ere enpresa txiki eta ertainentzat. Globalizazioaren ondorioz, lehiakideak ugaritu egin dira eta merkatuak gero eta sofistikatuagoak dira; horregatik, aktiboaren eta aukeren kudeaketa aurreratua behar dute, enpresaren balio-proposamena ezberdina izan dadin beti.

Hala, Innobideak-Kudeabide 2014an jarri zen abian. Programa honen helburua euskal enpresen lehiakortasuna hobetzea da, kudeaketa aurreratuko metodologiak, tresnak eta printzipioak aplikatzeko eta ezartzeko laguntza emanez..

Programa hau garatzeko oinarria Kudeaketa Aurreratuko Eredua da. Eredu hori organismo eta erakundearen adostasunaren bitartez lortu da, lehiakortasuna hobetzeko aukerak bilatzean erakundeak laguntza emateko, berrikuntza-ez teknologikoen bidez batez ere. Eredu horrek kudeaketa hobetzea du helburu, 6 elementu landuta: 1) Estrategia, 2) Bezeroak, 3) Pertsonak, 4) Gizartea, 5) Berrikuntza eta 6) Emaizak.

Innobideak-Kudeabide programak planteatzen du euskal enpresek Euskaliten laguntzarekin (1. etapa) kontraste bat egitea, kudeaketa aurreratuari dagokionez enpresak daukan kokapena ezagutzeko. Kontrastea Euskalitek egindako txostenean jasotzen da. Txosten horretan jasotzen dira, batetik, kudeaketa aurreratuari dagokionez enpresak hobetu behar dituen arloak, eta bestetik, enpresak kudeaketa hobetzeko ekintza plana prestatzeko gomendioak (2.etapa).

Enpresak ekintza planean sar ditzake bere beharrezkoak diren egokitzen diren proiektuak, kontrastearen iradokizunak kontuan hartuta. Plan horretan proiektu pilotuak (2A etapa) nahiz kudeaketa aurreratuaren arloko finkatze-proiektuak (2B etapa) sar daitezke. Finkatze-proiektu horien artean, aurreko urteetan Ekonomi eta Lurralde Garapena Sustatzeko Sailak enpresen eskura jarri dituen metodologiak ere erabil ditzakete enpresek: Premie, enpresak kudeatzeko sistema; Xertatu:adi, enpresen gizarte-erantzukizuna hobetzeko tresna, eta azkenik, Bilgune, kudeaketan parte hartzea sustatzeko tresna.

Innobideak-Kudeabide programa Eusko Jaurjaritzak-SPRIk zuzenduko dute, eta erakunde bi horien eta Araba, Bizkaia eta Gipuzkoako foru aldundien artean koordinatuko dute. Programa zatika kudeatuko da. Foru aldundiek 5-49 langile dituzten enpresek programa honen barruan egiten dituzten jarduerak kudeatuko dituzte, bakoitzak bere lurralde eremuaren barruan. Eusko Jaurjaritza-SPRIk, aldiz, 50 langile edo gehiago dituzten enpresei dagozkien jarduerak kudeatuko dituzte. Horrez gainera, programa hau gauzatzeko Euskaliten laguntza dago. Erakunde horrek laguntza emango die parte hartzen duten enpresei, bai kontrastea egiteko fasean, bai kudeaketa aurreratuaren arloko proiektu pilotuak martxan jartzeko 2A etaparen Know-Inn metodologiaren bitartez.

Laguntzen deialdi honek 5 eta 49 langile arteko plantilla duten Bizkaiko enpresen parte-hartzea arautzen du, kudeaketa aurreratuaren arloko finkatze-proiektuen etapan (2B etapa) Innobideak-Kudeabide programan parte hartu nahi dutenean.

Arlo honetako laguntzak norgehiagokarik gabeko araubidearen arabera emango dira. Norghegiagokarik gabeko araubidea arrazoituta dago Dekretu honen funtsa zerbitzuak



ematea delako; izan ere, enpresek bereziki behar dutena da erantzunak azkarrak izatea eta Dekretu honetan eskaintzen diren laguntza guztien banakako jarraipena egitea.

Dekretu hau eta lortu nahi dituen helburuak Ekonomi eta Lurralde Garapena Sustatzeko Sailak sustatutako jarduera-multzoaren zati dira. Izan ere, programen eta zerbitzuen garapenean sustatzen ditu jarduera horiek, sailaren xedea lortzeko: aberastasuna sortzen laguntzea, Bizkaiko enpresen artean lehiakortasun iraunkorra sustatuta.

Programa hau Euskadiko 2014-2020 aldirako EGEF Programa Eragilearen bidez ere finantzatu da, EGEF Eskualde Garapeneko Europako Funtsaren arloan. Une oro begiratu da europar politikak bete daitezen; batez ere, honako alderdi hauetan: ingurumena, aukera-berdintasuna, kontratazio publikoa eta europar kofinantziazioaren publizitatea.

Bestalde, genero ikuspegiari dagokionez, Bizkaiko Foru Aldundiak berdintasunerako politikak ezartzeari buruzko Emakumeen eta Gizonen arteko Aukera Berdintasunerako Foru Plana ezartzeko konpromisoa hartu du. Bada, konpromiso hori bete eta Innobideak-Kudeabide programaren barruan genero ikuspegia sartzeko asmoz, aldeztatik eraginaren ebaluazioa egin da, eta beharrezkoak ziren neurriak ezarri dira. Hori guztia, betiere, Emakumeen eta Gizonen Berdintasunerako otsailaren 18ko 4/2005 Legearen 18. artikuluan eta hurrengoetan xedatutakoari jarraiki.

Foru Dekretu honek bete egiten ditu erregulazio onaren printzipioak, zeinak Administrazio Publikoen Administrazio Prozedura Erkidearen urriaren 1eko 39/2015 Legean aurreikusten diren eta Bizkaiko Foru Aldundiaren urtarrilaren 17ko 2/2017 Foru Dekretuaren 3. artikuluan jasotzen diren (Dekretu horren bidez, Bizkaiko Foru Aldundian xedapen orokorrak egiteko prozedura arautzen da).

Adierazitakoa dela bide, Ekonomi eta Lurralde Garapena Sustatzeko foru diputatuak proposatu eta aurretik Gobernu Kontseiluak eztabaidatu eta onetsita, Bizkaiko Foru Aldundiak, 2018ko martxoaren 6ko batzaraldian, hauxe

XEDATZEN DU:

I. TITULUA

XEDEA ETA ENTITATE ONURADUNAK

1. artikulua.— Foru Dekretuaren xedea

Foru Dekretu honen xedea da Innobideak-Kudeabide 2018 programako zerbitzuei dagozkien diru-laguntzak arautzeko oinarriak eta laguntzen deialdia onartzea. Deialdia 5 eta 49 pertsona arteko plantilla duten eta Bizkaian kudeaketa aurreratuaren arloko finkatze-proiektu bat (2B) garatu nahi duten enpresentzako da.

2. artikulua.— Helburua

Foru Dekretu honetan araututako diru-laguntzen helburua da Kudeaketa Aurreratuako Ereduarekin bat egiten duten kudeaketa hobetzeko proiektuak laguntzea, Bizkaiko enpresen lehiakortasuna hobetzeko.

3. artikulua.— Erakunde onuradunak

Enpresa hauek jaso ahal izango dituzte Dekretu honetan araututako diru-laguntzak: Kudeaketa Aurreratuako Kontrasteari buruz Euskalitek egindako txosten bat duten Bizkaiko enpresak, kudeaketa aurreratuaren arloko ekintza planen bat, finkatze-proiektua barne, aurkezten badute, kontrastean hobetzeko identifikatutako arloak kontuan hartuta.

Erakunde onuradunek honako baldintza hauek bete beharko dituzte:

a) Nortasun juridiko propioa izatea.

b) Jarduera hauek egitea: erauzketako, eraldaketako eta ekoizpeneko industria-jarduerak; ekoizpen-prozesuari lotutako zerbitzu teknikoak, eta informazioaren gizartearen eta komunikazioen arloko jarduerak. Baldintza hori egiaztatzeko, enpresaren jarduera nagusiari EJZn (ekonomia-jardueren gaineko zerga) alta ematerakoan eman zitzaion epigrafeari begiratuko zaio. Onar daitezkeen epigrafeen zerrenda Innobideak-Kudea-



bide programaren web orrian dago: http://www.kudeabide.com/doc/IAEs_SUBVENCIONES_INNOBIDEAK_KUDEABIDE_EU.pdf

Ekonomi eta Lurralde Garapena Sustatzeko Sailaren laguntza-programek bultzatzen dituzten enpresa-sektoreak homogeneousizatzeko aldera, interes handia duten proiektuetarako onartu ahal izango dira enpresa zeinen EJZ sailkapena aipatu zerrendan sarturik ez dagoen, beti ere I. eranskinean 2009ko Ekonomi Jardueren Sailkapen Nazionalako (EJSN) epigrafeetatik kokatzen bada.

c) Sozietatearen helbidea eta zerga-helbidea Bizkaiko Lurralde Historikoan izatea.

d) Gutxienez ekoizpen zentro bat edo balio erantsi handiko zentro bat Bizkaiko Lurralde Historikoan izatea.

e) 5 eta 49 pertsona arteko plantilla edukitzea, biak barne, lanaldi osoaren urteko baliokideetan.

Plantillakotzat joko dira enpresaren jarduerari atxikita dauden baina euren izaeragatik Gizarte Segurantzaren Araubide Orokorrean alta emanda egon ezin diren langile autonomoak.

f) Zerga betebeharrak, Gizarte Segurantzarekikoak eta diru-laguntzak itzultzearen ondoriozkoak eguneratuta edukitzea.

g) Sexuaren ziozko bereizkeria dela-eta zigor edo administrazioaren arloan inoiz zehapenik jaso ez izana, Emakumeen eta Gizonen berdintasunerako otsailaren 18ko 4/2005 Legearen arabera.

h) Diru-laguntzei buruzko 5/2005 Foru Arauaren 12. artikulua ezarritako ezein egoeratan sartuta ez egotea. Baldintza hori eskabidean aipaturiko aitortpenaren bitartez egiaztatuko da.

a), b), c) d) eta e) baldintzak, gutxienerako pertsona kopuruari buruzkoak eta f) baldintza eskabidea aurkezten den unean egiaztatuko beharko dira, eta ebazpena eman arte eta ordainketa egin arte mantendu. Gehieneko pertsona kopuruari buruzko e) baldintza, aldiz, eskabidea aurkezten denean egiaztatuko behar da.

g) eta h) baldintzak automatikoki bete beharko dira, eta kasuan kasuko inguruabarrak gertatzen diren bitartean iraungo dute, Diru-laguntzei buruzko 5/2005 Foru Arauaren 12. artikuluan ezarritakoaren arabera.

Ezin dira erakunde onuradun izan Zientzia, Teknologia eta Berrikuntzaren Euskal Sareko agenteak (horretarako egiaztatutakoak) eta Enpresa eta Berrikuntza Zentroak.

Kanpo geratzen dira sozietate publikoak, zuzenbide publikoko erakundeak, ondasun erkidegoak eta sozietate zibilak.

Diru-laguntzen entitate onuradunek bete behar izango dute diru-laguntzei buruzko Foru Arauaren 13. eta 41. artikuluetan ezarritakoa. Zehatzago, behartuta egongo dira jasotako funtsen erabilera justifikatzen duten dokumentu guztiak kontserbatzera dokumentu elektronikokoak barne; izan ere, finantza-kontrolako eginkizunak dituzten organoei lagundu behar diete dokumentu horiek eskatzen badizkiete egiaztapen- eta kontrol-jarduerak egiteko.

4. artikulua. — Diruz lagun daitekeen egitatea

Hau joko da diruz laguntzeko egiaztatutako: Kudeaketa Aurreratuko Kontrasteari buruzko Txostenari erantzuten dioten finkatze-proiektuak garatzea (2B proiektuak), erakunde eskatzailearen kudeaketa hobetzeko Ekintza Planaren barruan daudenak, 10. artikuluan ezarritako ebaluazio baremoak gainditzen badituzte.

Dekretu honi dagokionez, Kudeaketa Aurreratuko Kontrasteari buruzko Txostena da Euskalitek egindako txosten bat, kudeaketa aurreratuari dagokionez enpresak daukan kokapena jasotzen duena, definitutako eredu berria erreferentziatuta hartuta. Kontrasteari buruzko txosten horretan, enpresan hobetu behar diren arloak zehazten dira, kudeaketa hobetzeko Ekintza Planerako. Txosten honek egin den urterako eta hurrengorako balioa du. Kontraste hori web orri honen bidez eska daiteke: www.kudeabide.com.



Diruz lagungarriak diren finkatze-proiektuak (2B) gutxienez eremu hauetako bat hobetzeko egin behar dira:

- Estrategia: behar den informazio estrategikoa eskuratzeko eta parte-hartzea sustatzen duten hausnarketa-prozesuak egiteko proiektuak, gerora behar bezala zabaldu eta komunikatuko den estrategia bat ezartzeko.
- Bezeroak: bezeroekiko harremanak eta balio-katearen elementu guztietan (produktuen eta zerbitzuen garapen eta merkaturatzetik hasita ekoizpena, banaketa eta mantentzea sartuta) eraginkortasuna sustatuko duten proiektuak, enpresaren estrategian eginkizun garrantzitsu bat bete ahal duten hornitzaileen eta azpikontratisten laguntzarekin.
- Pertsonak: hautaketa-prozesuak, ordainsariak eta ezagutzaren, gaitasunen eta lidergoaren garapena hobetzeko proiektuak; lotura izan behar dute enpresaren strategiarekin.
- Gizartea: konpainiaren lan soziala egiteko proiektuak (haren ahalmenekin bat egin da), baita ingurumen-iraunkortasuna babesten duten neurriak sustatzekoak ere.
- Berrikuntza: berritzeko helburuak eta estrategia definitzeko proiektuak, pertsonen arriskuak hartzea eta ekintzaileak eta berritzaileak izatea sustatzen duen barne testuingurua sortzeko proiektuak eta inguruaren ahalmen berritzailea aprobetxatzeko proiektuak. Horretarako, era eraginkor eta efizientean kudeatuko dira ideiak eta berrikuntza-proiektuak.
- Emaitzak: emaitza estrategikoak (bezeroengan, gizarteko pertsonengan eta berrikuntzari dagokionez) neurtu, ebaluatu eta kontrolatzeko mekanismoak sortzeko aukera ematen duten proiektuak.

Honako proiektu hauek ez dira diruz lagunduko:

- Erakundearentzat berrikuntzarik ez dakarten proiektuak, bereziki, Ekonomi eta Lurralde Garapena Sustatzeko Sailak erakunde hori babestu badu antzeko proiektuetan, Innobideak-Kudeabide programaren barnean.
- Bizkaiko Lurralde Historikoko zentroetan aplikatu ezin diren proiektuak.
- Definizioan (argitasuna, plangintza, egikaritzeko metodologia...) edo proiektuari esleitutako baliabideetan (baliabide teknikoak, giza taldea, zuzkidura ekonomikoa...) gabezia argiak dauzkaten proiektuak.
- Bizkaiko Foru Aldundiaren Ekonomi eta Lurralde Garapena Sustatzeko Sailaren bestelako programa edo jarduketa arloen barruan sar daitezkeen jarduerak.
- Ekonomi eta Lurralde Garapena Sustatzeko Sailaren helburuekin bat ez datozen edota Ekonomi eta Lurralde Garapena Sustatzeko Sailaren eskuduntzen eremuan sartzen ez diren jarduerak.

Diru-laguntza jasoko duten proiektuak eskabidea egin duen enpresan aplikatu eta ezartzeko modukoa izango da, enpresa bera izango da onuraduna eta bere jarduerarekiko koherentzia mantenduko da, eta soilik hartuko dira diruz laguntzeko modukotzat Bizkaiko Lurralde Historikoko ekoizpen zentroetan zuzenean aplikatzeko diren jardueren gastuak.

Nolanahi ere, proiektuak sexu arrazoiengatik ez dira baztertzailerak izango, eta ahal dela, sexuaren araberako rola eta estereotipoak ezabatu beharko dituzte.

5. artikulua. – Diru-laguntza jaso dezaketen gastuak

Kanpoko enpresak edo langile autonomoak kontratatuzko gastuak hartuko dira diruz lagundu daitezkeen gastutzat, baldin eta gastuon xedea kudeaketa hobetzeko aurkeztu den proiektuaren barruko aholkularitza jarduketak egitea bada.

Edonola ere, ez da loturarik egon behar enpresa eskatzailearen eta hornitzailearen artean. Ondorio horietarako, abenduaren 5eko 11/2013 Foru Arauaren 42.3 artikulua eta Merkataritzako Kodearen 42-49 artikuluek ezarritako kasuetan joko da lotura dagoela.

Diruz lagundu daitezkeen gastuei dagokienez, kontuan hartuko dira irizpide hauek:



- Diruz lagundu daitezkeen gastuek lotura zuzena izan beharko dute kudeaketa aurreratuaren arloko finkatze-proiektua (2B proiektuak) definitu eta garatzeko lane-kin, Euskalitek egindako enpresaren Kontrasteari buruzko Txostenean adierazitako hobekuntza-arloekin bat.
- Deskontuek eta antzekoek (fakturan sartuta egon zein ez egon) gastuaren balioa gutxitzea eragingo dute.
- Diruz lagundu daitezkeen gastuak zentzuzkoak izan behar dira, eta mugatu egin ahal izango dira Bizkaiko Foru Aldundiko Ekonomi eta Lurralde Garapena Sustatzeko Saila egokitzat jotzen badu.
- Ez da diruz laguntzeko gastutzat joko fakturretan jasanarazitako Balio Erantsiaren gaineko Zerga.
- Hauek ere ez dira diruz laguntzeko gastutzat joko: kanpoko enpresako langileen joan-etorrien gastuak, materialak egiteko gastuak, aretoen alokairua, dietak eta antzekoak.
- Fakturak proiektua hasi eta eskabidea egin ondorengo data izan behar dute; horretarako, 2019ko urriaren 1a izango da azken eguna.
- Fakturen ordaintzen frogagirik fakturen data eta gerokoak izan beharko dute, edo, hala ez bada, prozesuan zehar trazabilitatea bermatu beharko da. Ez dira onartuko proiektuaren hasiera-data baino lehenagoko ordaintzen frogagiriak.

6. artikulua. – Laguntzen zenbatekoa

Itzuli behar ez diren diru-laguntzak dira Dekretu honetan jasotako onurak.

Diru-laguntzaren gehieneko oinarria 12.000 euro izango da.

Diru-laguntzaren zenbatekoa kalkulatzeko, portzentaje hauek aplikatuko zaizkie diruz lagun daitezkeen gastuei:

Kategoria Categoría	Laguntzaren gehieneko % %máximo de ayuda		
	0-49 puntu 0-49 puntos	50-65 puntu 50-65 puntos	66-100 puntu 66-100 puntos
Proiektuari lotutako kanpoko gastuak Gastos externos vinculados al proyecto.	0%	40%	60%

7. artikulua. – Burutzeko epeak

Diruz laguntzen diren jarduerak laguntza eskatu ondoren hasi behar dira, baina 2018ko abenduaren 31 baino lehen.

Amaitu, berriz, 2019ko urriaren 1aren aurretik amaitu behar dira.

8. artikulua. – Eskabideak aurkezteko epea

Eskabideak aurkezteko epea 2018ko apirilaren 9an hasiko da, eta 2018ko irailaren 28ko 13:30ean amaituko da.

9. artikulua. – Gehienez egin daitezkeen eskabideak

Erakunde bakoitzak eskabide bat (1) aurkeztu ahal izango du. Beraz, eskabidea izae-ra orokorreko proiektu bati egokituko zaio.

Erakunde batek behar baino eskabide gehiago aurkezten baditu, organo instrukto-reak jakinarazi egingo dio eta 10 eguneko epea emango dio batzuei uko egiteko, bere nahierara. Erantzunik jasoko ez balitz, erakundeak egindako lehenengo eskabidea hartuko da aintzat; horretarako, txosten zenbakiari begiratuko zaio.

**10. artikulua.— *Proiektuak ebaluazio baremoak***

Proiektuak ebaluatzeko taula honetan jasotzen diren baremoak aplikatuko dira:

Baremoak Baremos	Gehieneko puntuazioa Puntuación máxima
1. Programaren helburuekin bat etortzea Adecuación a los objetivos del Programa	20
2. Ekintza planaren kalitatea Calidad del plan de acción	15
3. Proiektuaren kalitatea Calidad del proyecto	35
4. Lortu nahi diren emaitzak eta eragina Resultados esperados e impacto	10
5. Talde sustatzailearen eta kanpoko taldearen egokitasuna Adecuación del equipo promotor y del equipo externo	10
6. Proiektua kudeatzeko planifikazioa eta metodologia Planificación y metodología de gestión del proyecto	10

Eskabideei puntuak emango zaizkie adierazitako baremo bakoitzean. Baremo bakoitzean lortu ahal den gehieneko puntuazioa taulan adierazitakoa da.

Eskabidea diruz laguntzeko 50 puntu lortu beharko dira, gutxienez.

11. artikulua.— *Aurkeztu beharreko agiriak*

1. Eskabidearekin batera aurkeztu beharreko agiriak:

- Eskabidea, Dekretu honetan ezarritakoaren arabera.
- Kudeaketa Aurreratuko Kontrasteari buruzko Txostena, Euskalitek egina.
- Enpresak egindako ekintza plana, web orrian eskura daitekeen ereduaren arabera. Plan horretan, Kudeaketa Aurreratuko Kontrasteari buruzko Txostenaren ondorioen ildotik, kudeaketa aurreratuan hobera egiteko aurrez ikusita dituen ekintzak deskribatu behar ditu, orokorrean.
- Finkatze-proiektuaren (2B) memoria tekniko-ekonomikoa, web orrian eskura daitekeen ereduaren arabera. Inprimakia behar bezala bete behar da, eta proiektua garatzen duten erakundeetako bakoitzean ordezkari-tza-ahalorde nahikoa duten pertsonak sinatu behar dute.
- 4. artikuluan definitutako proposamenetako edozein gauzatzeko, enpresak eta 5. artikuluan ezarritako pertsonak edo erakundeek sinatutako kontratuen kopia. Dokumentu horretan laguntza-eskaeraren xede den lanaren eduki guztiak agertu behar dira.
- Hartzekodunaren fitxa, behar bezala beteta, baldin eta Bizkaiko Foru Aldundiak duen enpresaren banku-helbideraketa aldatu nahi bada.

2. Jarduketa justifikatzeko, laguntza ordaintzeko eta espedientea ixteko aurkeztu behar den dokumentazioa proiektua amaitutakoan eta, edonola ere, 2019ko azaroaren 1a baino lehen aurkeztu behar da. Diru-laguntzaren justifikazioa justifikazio-kontuaren sistemaren bidez egingo da; horretarako, dokumentu hauek aurkeztu beharko dira:

- Finkatze-proiektua (2B) justifikatzeko memoria tekniko-ekonomikoa, web orrian eskura daitekeen ereduaren arabera. Inprimakia behar bezala bete behar da, eta proiektua garatzen duten erakundeetako bakoitzean ordezkari-tza-ahalorde nahikoa duten pertsonak sinatu behar dute.
- Egindako gastuen fakturak.
- Fakturen ordainketen frogagiriak
- Eginiko proiektua justifikatzeko dokumentazio teknikoa.
- Diru-laguntza emateko ebazpenean beren-beregi aurkezteko eskatu dena.



Dena dela, Ekonomi eta Lurralde Garapena Sustatzeko Sailak enpresa eskatzaileari beharrezkotzat jotzen dituen agiri edota informazio osagarriak eskatu ahal izango dizkio, aurkeztutako eskabidea ondo ulertu eta ebaluatzeko eta haren jarraipena egin ahal izateko; agiriak eskatzen diren unean zehaztutako epean eman beharko dira. Era berean, Ekonomi eta Lurralde Garapena Sustatzeko Sailak bisitak egitea eskatu ahal dio erakunde eskatzaileari, proiektua egiten ari den bitartean eta proiektua amaitu ondoren, behar bezalako jarraipena egin ahal izateko.

Ekonomi eta Lurralde Garapena Sustatzeko Sailak, jarduerak zer eragin duen ebaluatzeko, ekonomia eta enplegu adierazleak eskatu ahal dizkio enpresari, proiektuak dirauen bitartean eta proiektua amaitu ondoko urteetan, enpresak zer bilakaera izan duen eta proiektuak enpresan nola eragin duen ikusteko. Adierazleak aurkezteko epea informazio hori eskatzen zaion unean zehaztuko da.

12. artikulua.— Diru-laguntza ordaintzea

Ekonomi eta Lurralde Garapena Sustatzeko Sailak ordainduko dizkio diru-laguntzak, zuzenean, onuraduna den entitateari.

Emango den kopuruaren %100a laguntzaren emakida onetsitakoan ordainduko da.

Kasu guztietan, diru-laguntza aldeztu aurretik ordainduko da, erakunde onuradunei bermerik eskatu gabe.

13. artikulua.— Diru-laguntzaren doikuntza

Proiektuaren azken justifikazioa egiten denean, diru-laguntza jaso dezaketen gastuetik benetan egin diren arabera doitu da diru-laguntza, eta hasieran emandako zenbatekoa baino txikiagoa izan ahal da. Kasu horretan, diru-laguntzaren azken doikuntza egingo da eta behar bezala justifikatutako gastuarekiko proportzionala izango da.

II. TITULUA

DIRU-LAGUNTZENTZAKO XEDAPEN KOMUNAK

14. artikulua.— Diru-laguntza jaso dezaketen gastuetarako irizpide orokorrak

1. Honako hauek dira diru-laguntza jaso dezaketen gastuak: indarrean dagoen araudiaren arabera behar bezala justifikatu direnak, betiere epearen barruan egin badira, beharrezkoak badira eta proiektuaren edo jardueraren izaerari eta garapen normalari erantzuten badiete.

2. Eginiko gastua da justifikazioa egiteko ezarritako epea amaitu aurretik ordaindu egin dena.

3. Diru-laguntza jaso dezaketen gastuen kostuak ez dira onartuko baldin eta merkatuan duten balioa baino handiagoak badira.

4. Edonola ere, honako gastu hauek ez dute diru-laguntzarik jasoko:

— Balio erantsiaren gaineko zerga (BEZ), berreskuratu ezin daitekeen kasuetan ere.

— Diru-laguntzaren xedea den jarduerarekin inolako inola ere identifikatu ezin diren gastuak edo/eta deialdi bakoitzerako epearen barruan egiten ez direnak.

— Eskatzailearen eta hornitzailearen artean lotura dagoela erakusten duten gastuak. Ondorio horietarako, abenduaren 5eko 11/2013 Foru Arauaren 42.3 artikulua eta Merkataritzako Kodearen 42-49 artikuluek ezarritako kasuetan joko da lotura dagoela.

15. artikulua.— Diru-laguntzak metatzea

Foru Dekretu honetan jasotako laguntzek edo diru-laguntzek Batzordearen 2013ko abenduaren 18ko 1407/2013 (EB) Erregelamenduan xedatutakoa bete beharko dute. Araudi hori 2013ko abenduaren 24ko Europar Batasunaren Aldizkari Ofizialean argitaratu zen, 352. zenbakikoan, eta Europar Batasunaren Funtzionamenduari buruzko Tratatuaren 107. eta 108. artikulua minimis laguntzei aplikatzei buruzkoa da. Horren ondorioz, arautegi hori ez betetzeak, erantzukizun penala, zibila eta administratiboa ekar



liezaioke enpresa arau-hausleari. Europar Batasunak ezarritakoaren arabera, edozein enpresari emandako minimis laguntza, guztira, ez da 200.000 euro baino handiagoa izango hiru zerga-ekitalditan.

16. artikulua. — Diru-laguntzen bateraga-rritasuna

1. Foru Dekretu honen itzalpean ematen diren laguntzak ez dira bateragarriak izango beste erakunde publiko edo pribatu batzuek kontzeptu beragatik ematen dituztenekin.

2. Nolanahi ere, diru-laguntzak jasotzen dituzten erakundeek Ekonomi eta Lurralde Garapena Sustatzeko Sailari jakinarazi beharko diote beste diru-laguntzarik jaso duten, berdin diolarik noiz jaso duten. Horrek guztiak hala behar du, maiatzaren 31ko 5/2005 Foru Arauaren 18.3 eta 4. artikuluetan aurreikusitako ondorioetarako. Horrela, beraz, beste diru-laguntzen edo laguntza ekonomikoen zenbatekoak zenbatetsi eta, proiektua finantzatzeko ehunekoa mantentze aldera, diru-laguntza esleitzeko ebazpena aldatu ahal izango da.

17. artikulua. — Diru-laguntzen argitaratzea

Diru-laguntzak ematen diren urte naturala amaitu ondorengo lehen hiruhilekoa bukatu aurretik, ebazpenaren laburpen bat argitaratuko da Bizkaiko Aldizkari Ofizialean.

18. artikulua. — Laguntzaren publizitatea

Dekretu honen itzalpean emandako laguntzen onura jasotzen duten eskabideek jasotako laguntzari publizitatea eman beharko diote, 5/2005 Faren 17.3 artikuluan xedatutakoaren arabera.

Proiektuaren finantzaketa publikoari buruzko publizitate egokia, euskarri informatikoetan zein beste edozeinetan, esaera honetara mugatuko da: «Bizkaiko Foru Aldundiak finantzuriko proiektua, Innobideak – Kudeabide 2018 Programaren barruan». Beren-be-regi galarazita geratzen da beste edozein testu edo irudi erabiltzea Bizkaiko Foru Aldundiari erreferentzia egiteko.

III. TITULUA**DIRU-LAGUNTZAK ESLEITZEKO PROZEDURA****19. artikulua. — Emateko prozedura**

Dekretu honen diru-laguntzak emateko prozedura lehia askearen erregimenaren arabera egingo da.

Diru-laguntza eskabideak hurrengo artikuluetan azaldutako izapideen arabera kudeatuko dira, honako berezitasun hauekin:

- Eskabideak iritsitako hurrenkeraren arabera izapidetuko dira, eta, instrukzio fasean, erakunde eskatzaileak onuradun izateko betekizunak zer mailatan betetzen dituen eta diruz lagun daitekeen egitatearen lehia eta diruz lagun daitezkeen gastuen zenbatekoa aztertu baino ez da egingo.
- Eskabideak ebatziko dira eta funtsak eskaerak jasotzen diren hurrenkeran banatuko dira, betiere deialdiko baldintzak betetzen badituzte. Ondorioz, eskaera jasotzen den eguntzat hartuko da deialdiko baldintzak betetzen direla egiaztatzen duen dokumentazioa dagokion erregistroan sartu den data, 3. eta 4. artikuluetan ezarritakoarekin bat etorrira.

20. artikulua. — Eskabideak nola aurkeztu

Eskabidea, behar bezala eta oso-osorik beteta, Internet bidez aurkeztu behar da. Horretarako, Ekonomi eta Lurralde Garapena Sustatzeko Sailaren web orrian www.bizkaia.net/sustapena-bulegobirtuala bere atari birtualari dagokion atala erabili behar da.

1. Horrela bada, eskabideak bide telematikoeetatik aurkeztu behar direnez, enpresa interesdunek aldeztu aurretik sinadura elektronikoa izan beharko dute, edo BizkaiBai zerbitzurako alta eskatu beharko dute Ekonomi eta Lurralde Garapena Sustatzeko Sailean



(Orueta Apezpikua kalea, 6., Bilbo). Alta prozeduraren gaineko informazioa eskuragarri dago Ekonomi eta Lurralde Garapena Sustatzeko Sailaren web orrian.

Eskabidea aurkezteko ezinbestekoa izango da erakundea Ekonomi eta Lurralde Garapena Sustatzeko Sailaren erakundearen erregistroan alta emanda egotea (61/2010 Foru Dekretua, apirilaren 27koa. Bizkaiko Aldizkari Ofiziala 80 zk., 2010eko apirilaren 30ekoa). Egoera horretan ez badago, erakundeak inskribatzeko eskaera bete beharko du, diru-laguntza eskabidea izapidetu baino lehen.

2. Nolanahi ere, instrukzioaz arduratzen den organoak elkarrekin zerikusia duten eskabideak multzokatu edo banakatu ditzake, eskabideok ondo aztertu eta ebaluatzeko eta diru-laguntzaren xedeko jarduerara ondoen egokitzen den egitate lagungarria zehazteko neurri egokia dela irizten badio.

3. Eskatzaileak, diru-laguntzarako eskabidea aurkeztean, baimena ematen dio organo instruktoreari, 3. artikulua aipatu inguruabarren egiaztapena zuzenean lor ditzan; hori, martxoaren 23ko 34/2010 Foru Dekretuaren bidez onetsi zen Diru-laguntzen Erregelamenduaren 17.1. artikuluan xedatutakoarekin bat etorritik, telematikako ziurtagiri egokiaren bidez egin daiteke.

4. Eskabideekin batera arlo eta atal bakoitzean ezarritako agiriak aurkeztu beharko dira; arestian aipatu atari birtualean agiriak eransteko dagoen sistema erabiliko da.

21. artikulua.— Laguntzak emateko prozedura antolatu, aztertu eta ebatziko duten organo eskudunak

Diru-laguntzetarako eskaerak Berrikuntza Zerbitzuak izapidetuko ditu, eta, eskaerok ebazteko, Ekonomi eta Lurralde Garapena Sustatzeko Saileko arduradunak ebazpen espresua emango du, Enpresa Sustatzeko eta Ekonomia Garatzeko Zuzendaritza Nagusiak hala proposaturik.

Emakida prozedura antolatzeke, bideratzeko eta ebazteko organo eskudunak osatzerako orduan, kontuan hartu beharko da bi sexuen artean ordezkaritza ordekatuta dagoela; horrek esan nahi du bi sexuek ordezkariaren bat eduki beharko dutela, Emakumeen eta Gizonen berdintasunerako 4/2005 Legearen 20. artikulua aurreikusitakoari jarraiki.

22. artikulua.— Txostenaren instrukzioa

Eskabideen espedienteak honelaxe izapidetuko dira:

1. Instrukzioaz arduratzen den organoak ezarri diren eta pertsona edo erakunde onuradun gertatzeko ezinbestekoak diren baldintzak betetzen direla egiaztatuko du.

2. Eskabideak behar bezala beterik ez badaude edo deialdietan aipaturiko agiriak erantsita ez badituzte, eskabidea aurkeztu duen enpresari agindeia egingo zaio instrukzioaz arduratzen den organoak jakinarazpena egin eta biharamunetik zenbatzen hasiko den hamar (10) asteguneko epean akatsa konpon dezan edo behar diren agiriak aurkez ditzan; eta ohartaraziko zaio, hori egiten ez badu, bere eskaeran atzera egindakotzat joko dela berariaz emango den ebazpenaren bitartez, Administrazio Publikoaren Administrazio Prozedura Erkidearen urriaren 1eko 39/2015 Legearen 21. artikuluan xedatutakoaren arabera.

3. Nolanahi ere, organo instruktoreak aurkeztu diren eskabideak behar bezala ulertu eta ebaluatzeko beharrezkotzat hartzen dituen agiri edota argibide guztiak eskatu ahal izango dizkie eskabidea aurkeztu duten erakunde eskatzaileei.

23. artikulua.— Eskabideen ebaluazioa

Organo instrukzio-egileak eskabideak ebaluatuko ditu 3., 4., 10. eta 11. artikuluetan zehaztutako baldintzak betetzen direla egiaztatzeko.

24. artikulua.— Ebazpen proposamena

Eskabideak ebaluatu ondoren organo instrukzio-egileak ebazpen-proposamena igorriko dio Enpresa Sustatzeko eta Ekonomia Garatzeko Zuzendaritza Nagusiari. Proposamen horrek ez die inolako eskubiderik emango proposamen horretan bertan onuradun ageri diren pertsonari edo erakundeei.

**25. artikulua. — Aurrekontuaren muga**

Aurreko artikuluan aipatutakoarekin bat etorritik, aurkeztutako eskabide guztietatik aurrekontu-partidan izendatutako aurrekontuko baliabideek ahalbidetzen dituzten beste hautatuko dira.

26. artikulua. — Ebazteko epea

Eskabidea saileko erregistroan sartu eta 6 hilabete igarota amaituko da Foru Dekretu honen babesean eginiko eskabidean ebazteko epea.

Aurkeztutako eskabide guztien ebazpen espresua eman behar du organo eskudunak. Edonola ere, ebazpenerako eta jakinarazpenerako epea amaitu bada eta aipatutako organoak ebazpena eman ez badu, eskabidea ezetsizat joko da administrazio-isiltasunaren, horrela xedatzen baita urriaren 1eko 39/2015 Legearen 25. artikuluan.

27. artikulua. — Ebazpena

1. Enpresa Sustatzeko eta Ekonomia Garatzeko Zuzendaritza Nagusiak Ekonomi eta Lurralde Garapena Sustatzeko foru diputatuari igorriko dio ebazpen proposamena, eta hark ebaztuko du dagokion foru aginduaren bidez.

2. Diru-laguntza ematen duen ebazpenean baldintza bereziak ezarri ahalko dira, Foru honetan edo dagokion deialdian xedatutakoa proiektuen izaera bereziari edo bestelako inguruabarrei egokitze aldera beharrezkoa irizten bazaio.

3. Ebazpena interesdunei jakinaraziko zaie, Herri Administrazioen Administrazio Prozedura Erkidearen urriaren 1eko 39/2015 Legearen 40. eta hurrengo artikuluetan ezarritakoa betez.

28. artikulua. — Errekurtsoak

Ebazpenak administraziobidea agortzen du. Beraren aurka berraztertze-errekurtsoa jarri ahal izango da, Ekonomi eta Lurralde Garapena Sustatzeko Saileko titularrari ebazpena jakinarazi eta hurrengo egunetik hilabete pasatu baino lehen, Herri Administrazioen Administrazio Prozedura Erkidearen urriaren 1eko 39/2015 Legean ezarritakoarekin bat etorritik.

Halaber, Administrazioarekiko auzi-errekurtsoa aurkeztu ahal izango da administrazioarekiko auzi-errekurtsoen dagokion jurisdikzioan jakinarazpena jaso eta hurrengo egunetik bi hilabete pasatu baino lehen, Administrazioarekiko auzien jurisdikzioa arau-petu duen uztailaren 13ko 29/1998 Legean xedatutakoarekin bat etorritik. Ezin dira bi errekurtso horiek aldi berean jarri.

29. artikulua. — Diru-laguntzari uko egitea

Onuradun gertatu diren pertsonetako edo erakundeetakoren batek diru-laguntzari uko egingo balio, diru-laguntza eskaintzen duen organoak zerrendan, 19. artikuluan ezarritako ordenari jarraiki, hurrengo dauden pertsona edo erakunde eskatzaileei emango lieke, baldin eta eskabide horiei aurre egiteko kreditu nahikorik balego.

Diru-laguntza ematen duen organoak aukera horren berri emango die interesdunei, hamar eguneko epean diru-laguntza proposamena onets dezaten. Epe hori, gainera, ezin izango da luzatu. Diru-laguntza eskatu duen pertsona edo erakundeek proposamena onartzen dutenean, administrazio-organok laguntza emateko egintza ezarri eta jakinarazpenak egingo ditu.

Uko egitea aurkezteko gehieneko epea hamar (10) egun baliadun izango da, erakunde interesdunari diru-laguntza proposamena jakinarazten zaionetik hasita. Epe hori igaro ondoren, uko egitea diru-laguntza emateko arrazoi izan diren baldintzak ez-betetzea dela joko da.

**30. artikulua.— Jakinarazpen elektronikoa**

Ekonomi eta Lurralde Garapena Sustatzeko Sailak interesdunei jakinarazpenak egitean, bide elektronikoak erabili beharko ditu, Administrazio Publikoen Administrazio Prozedura Erkidearen urriaren 1eko 39/2015 Legean ezarritakoarekin bat.

Bitarteko elektronikoen bidez egiten diren jakinarazpenak Bizkaiko Foru Aldundiaren egoitza elektronikoa (<https://www.bizkaia.eus>) agertuzegin beharko dira, Administrazio Elektronikoari buruzko Bizkaiko Foru Aldundiaren maiatzaren 5eko 62/2015 Foru Dekretuaren arabera, eta Herri Administrazioarako eta Erakunde Harremanetarako foru diputatuaren ekainaren 6ko 4841/2016 Foru Aginduaren arabera (foru agindu hori jakinarazpenak eta komunikazioak Bizkaiko Foru Aldundiaren egoitza elektronikoa agertzeko sistemaren bidez egiteari buruzkoa da).

IV. TITULUA

DIRU-LAGUNTZEN KUDEAKETA ETA EGIAZTAPENA**31. artikulua.— Jarraipena**

1. Foru Dekretu honetan aurreikusten diren diru-laguntzak eskuratuko dituzten pertsonak edo erakundeek agiri bidez frogatu beharko dute lagunduko diren jarduerak gauzatu direla eta diru-laguntza jasotzeko baldintzak betetzen dituztela. Hori guztia egin beharko dute Foru Dekretu honetan, dagokion deialdian nahiz esleipena dakarren foru aginduan aurreikusten den moduan eta Ekonomi eta Lurralde Garapena Sustatzeko Sailak nahiz, kasuan kasu, dagokion erakunde laguntzaileak eskatzen duen unean frogatu beharko dira.

Hala, Emakumeen eta Gizonen berdintasunerako 4/2005 Legean xedatutakoaren arabera, diru-laguntza jasoko duten pertsona edo erakundeek lege horretan ezarritako printzipio orokorrak errespetatu beharko dituzte, beren lanaren barruko estatistikak genero ikuspegiaren arabera egokitu beharko dituzte, ez dute hizkera sexistarik erabiliko eta emakumeen eta gizonen ordezkaritza orekatua bermatu beharko dute eratzen diren batzordeetan eta lan taldeetan.

Justifikazioa ez bada ezarritako epean aurkezten, diru-laguntza itzultzeko eskatuko da, eta maiatzaren 31ko 5/2005 Foru Arauan ezarritako gainerako erantzukizunak ere eskatuko dira. Izan ere, foru arau horretan arautzen da Foru Administrazioak emaniko diru-laguntzen araubide juridiko orokorra.

2. Diru-laguntza ematen duen organoak emate-erabakia ofizioz aldatu ahal izango du funtsak aplikatu aurretik eta interesdunak esan beharrekoa entzun ondoren. Erabakia ofizioz aldatu ahal izango da diru-laguntza emateko betekizunetako bat aldatu egin bada eta, ondorioz, xedetzat hartu izan den interes publikoa bete ezin bada edo betetzeko zailtasunak izan baditu eta, bide batez, onuradun gertatu den pertsonari edo erakundeari kalte ekonomikoak eragin ez bazaizkio.

3. Onuradun gertatu diren pertsonak edo erakundeek, halaber, laguntza ematen duen erakundeari diru-laguntzak emateko ebazpena aldatzeko eska diezaiokete diruz lagundutako jarduera gauzatzeko epea amaitu aurretik, betiere aipatu berri dugun aldatetaren bidez aldeztu aurretik ezarritako epeak luzatu nahi badira, emandako diru-laguntzaren zenbatekoa murriztu nahi bada edo jardueraren barne dauden egintzak aldatu nahi badira. Eskaera horiek baimena jasoko dute aurretik ikusi ez diren baldintzak gertatzen badira, betiere diru-laguntzaren xedea aldatzen ez bada eta hirugarren pertsonen eskubideak urratzen ez badira.

Kasu horietan, onuradun gertatu den pertsonak edo erakundeak jaso duen eta frogatu ez duen diru-kopurua bueltatu beharko du, baita berandutza-interesak ere.

4. Halaber, Ekonomi eta Lurralde Garapena Sustatzeko Sailak eskatu ahal izango dizkio Planaren emaitzak egoki ebaluatzeko beharrezkotzat jotzen dituen agiri edota informazio osagarriak entitate onuradunari lagundutako proiektuaren amaieratik eta hurrengo hiru urteetan.

**32. artikulua. — Justifikatzeko modua**

Diru-laguntzak arlo bakoitzean 11. artikuluan ezarritako agiriak aurkeztuz justifikatu beharko dira.

Halaber, Ekonomi eta Lurralde Garapena Sustatzeko Sailak proiektuei buruzko justifikaziorako beharrezkotzat jotzen dituen agiri edo/eta informazio osagarri guztiak eskatu ahal izango dizkio entitate onuradunari.

33. artikulua. — Baldintzak aldatzea

Justifikazioa egitean pertsona edo erakunde onuradunak azaltzen badu diru-laguntza emateko kontuan izan diren baldintzetan aldaketaren bat gertatu dela eta horrek ebazpena aldatzea ekar dezakeela, 31. artikuluan araututakoarekin bat etorritik, hura onetsi aurretik egin beharreko administrazio-baimenaren izapidea bete gabe, diru-laguntzak ematen dituen organoak aurkeztu den justifikazioa onartuko du; horrek, ordea, ez du pertsona edo erakunde onuraduna salbuetsiko maiatzaren 31ko 5/2005 Foru Arauaren arabera dagozkion zehapenetatik.

V. TITULUA

DIRU-LAGUNTZAK ITZULTZEA ETA ARAU HAUSTE ADMINISTRATIBOAK**34. artikulua. — Diru-laguntza erakunde onuradunak berak itzultzea**

Borondatezko itzulketa da onuradunak Administrazioaren inolako errekerimendurik gabe egiten duena.

Borondatezko itzulketa egiten denean, Administrazioak dagozkion berandutze-interesak kalkulatu dituen diru-laguntzen Foru Arauaren 34. artikuluan ezarritakoaren arabera eta onuradunak itzulketa benetan egin duen unea arte.

Onuradunak berak eskatuta diru-laguntza itzultzeko, Bizkaiko Foru Aldundiaren eredu ofizialaren arabera ordainketa-gutuna erabili behar da; gutun hori Ekonomi eta Lurralde Garapena Sustatzeko Sailaren bulegoetan (Orueta apezpikuaren kalea 6, Bilbo) egingo da.

35. artikulua. — Ez betetzeak

Foru Dekretu honetan nahiz aplikatu daitezkeen bestelako arauetan ezarri diren baldintzak zein, kasuan kasukoa, ebazpenean ezartzen direnak betetzen ez badira, jasotako zenbatekoak itzuli egin beharko dira; baita, kasuan kasukoa, kopuru horien interesak ere. Halaxe adierazten baita Foru Administrazioak ematen dituen diru-laguntzen araubide juridiko orokorra erregulatzen duen maiatzaren 31ko 5/2005 Foru Arauaren II. eta IV. tituluetan, dagozkion legezko ekintzak eta zehapenak gorabehera. Aipatutako zenbatekoak, diru-sarrera publikotzat hartuko dira ondorio guztietarako.

36. artikulua. — Ez betetzeak mailakatzeko irizpideak

Emandako diru-laguntzaren zenbatekoa eskatzaileak aurkeztutako aurrekontu baten gaineko ehuneko bat aplikatuta lortzen denez, behin betiko kostu osoa hasierako aurrekontua baino txikiagoa bada, honako hau itzuli behar da: hasierako aurrekontuaren gaineko ehuneko hori aplikatuta lortutako kopuruari behin betiko kostua kentzearen ondorioz finantzaketa publikoan sortutako soberakina.

Baldintzetako bat edo batzuk ez betetzeak edo epearen barruan jardueraren zati bat bakarrik egiteak (betiere, zalantza barik egiaztatzen bada onuradunak konpromisoak betetzeko asmoa duela) diru-laguntzaren zati bat bakarrik ordaintzea ekarriko du edo, hala badagokio, diru-laguntzaren zati bat itzuli behar izatea. Itzulketa hori kalkulatzeko, jarduera osotik hartutako zatiaren proportzio bera erabiliko da.

Administrazioak eginiko egiaztapen edo finantza-kontrol baten ondorioz ikusten bada eginiko gastuetako batzuk edo guztiak ordaindu gabe daudela eta hartzekodunek eskatzeko eskubidea dutela, itzulketa eskatuko da, proportzionaltasun-printzipioa aplikatuta. Kasu horretan, diru-laguntza jaso dezaketen egotzitako gastu guztietatik ordaindu



gabeko gastuek osatzen duten proportzioaren arabera izango da diru-laguntzaren itzulketaketa.

37. artikulua.— Zehapen-prozedura

Foru Administrazioak ematen dituen diru-laguntzen araubide juridiko orokorra arautzen duen maiatzaren 31ko 5/2005 Foru Arauaren IV. tituluan xedatutakoa ezarri beharko da.

Euskal Autonomia Erkidegoko Herri Administrazioen zigortzeko ahalmenari buruzko otsailaren 20ko 2/1998 Legean xedatutako zehapen-prozedura erabiliko da.

38. artikulua.— Deslokalizazioa

Enpresa eta erakunde onuradunek enpresako deslokalizaziorik ez egiteko konpromisoa hartzen dute; deslokalizaziotzat Enpresako deslokalizazio kasuetan foru sektore publikoko laguntzak berreskuratzeari buruzko martxoaren 27ko 7/2007 Foru Arauan xedatutakoa jotzen da; foru araua Dekretu honek araututako diru-laguntzentzat guztiz aplikagarria izango da.

Konpromisoa ez betetzea Bizkaiko Foru Aldundiaren akordioaren bidez ebatziko da, eta emandako diru-laguntza itzuli behar izateko zioa izango da, aipatu foru arauan xedatutako prozedura aplikatuz.

XEDAPEN IRAGANKORRA**Lehenengoa.— Jakinarazpen elektronikoa**

30. artikuluan ezarritako jakinarazpen elektronikoari buruzko betebeharrari dagokionez, jakinarazpena egiten denean prozedura ez badago teknikoki amaituta, jakinarazpena paperean egingo da, posta ziurtatuaren bidez.

AZKEN XEDAPENAK**Lehena.— Aplikatzekoa den arautegi orokorra**

Foru Dekretu honetan aipatutako laguntzei dagokienez, aginduzkoak izango dira Dekretu honetako xedapenak, laguntzak emateko foru aginduetan ezartzen diren gainerako baldintzak, foru administrazioak ematen dituen diru-laguntzen araubide juridiko orokorra ezarri duen maiatzaren 31ko 5/2005 Foru Arauko xedapenak, martxoaren 23ko 34/2010 Foru Dekretuaren bidez onetsi zen Dirulaguntzen Erregelamendua eta Estatuko edo Erkidegoko gainerako arau aplikagarriak.

Halaber, Administrazio Publikoen Administrazio Prozedura Erkidearen urriaren 1eko 39/2015 Legea eta Sektore Publikoaren Araubide Juridikoaren urriaren 1eko 40/2015 Legea ezarri beharko dira

Datu pertsonalak babesteko abenduaren 13ko 15/1999 Lege Organikoaren arabera, pertsona edo erakunde interesdunak aurkeztutako datuak prozeduran edo jardueran aurrez ikusitako xedeetarako baino ez dira erabiliko.

Datu horiek inola ere ez dira erabiliko, ez beste bati lagako, baldin eta interesdunak argi eta garbi ados dagoela adierazten ez badu edo Datu Pertsonalen Babesari buruzko abenduaren 13ko 15/1999 Lege Organikoaren 6.2. eta 11.2. artikuluetan ezarritako kasuetako bat gertatzen ez bada (1999ko abenduaren 14ko BOE, 298. zk.). 15/1999 Lege Organikoan xedatutakoaren arabera, datuak lagatzen dituenak noiznahi erabili ahal izango ditu datuak eskuratzeko, zuzentzeko, ezeztatzeko eta aurkaratzeko eskubideak, arauz ezarritako eran.

Bigarrena.— Arauen garapena

Ekonomi eta Lurralde Garapena Sustatzeko Saileko foru diputatuak ahalmena izango du Dekretu hau garatzeko beharrezkotzat jotzen dituen xedapen guztiak emateko, bai eta, aurrekontu-zuzkidura amaitu ezean, bigarren deialdia egiteko ere.

**Hirugarrena. — Aurrekontuko zuzkidura**

Deialdi honetan eman daitezkeen laguntzak eta onurak, guztira 319.000 euro, jarraian zerrendatuko den aurrekontu partidan, aurrekontu proiektu eta urtekotik ordainduko dira:

Proiektuaren zk.: 2016/0055	
08.02/44300/426.107	
Ekitaldia	Zenbatekoa (€)
2018	319.000
GUZTIRA	319.000

Laugarrena. — Indarrean jartzea

Foru Dekretu hau Bizkaiko Aldizkari Ofizialean argitaratu eta biharamunean jarriko da indarrean.

Bilbon, 2018ko martxoaren 6an.

Ekonomi eta Lurralde Garapena
Sustatzeko foru diputatua
IMANOL PRADALES GIL

Ahaldun Nagusia
UNAI REMENTERIA MAIZ

**I. ERANSKINA**

3. artikuluan adierazitakoaren arabera, hurrengoan zerrendatzen dira EJSN -2009ko (apirilaren 13ko 475/2007 Errege Dekretua, apirilaren 28ko 102. zenbakiko BOEn argitaratua) onargarriak diren epigrafeak:

- B atala: Erauzketako industriak.
- C atala: Manufaktura-industria.
- D atala: Indar elektriko, gas, lurrun eta aire girotuko hornidura.
- E atala: Ur hornidura, saneamendu jarduerak, hondakinen kudeaketa eta deskontaminazioa.
- F atala: Eraikuntza (talde hau izan ezik):
 - 41.1. taldea. Higiezinaren sustapena.
- G atala: Handizkako eta txikizkako merkataritza; ibilgailu motordunen eta motozikleten konponketa (multzo hau izan ezik):
 - 47. multzoa. Txikizkako merkataritza, motordun ibilgailuak eta motozikletak izan ezik.
- H atala: Garraioa eta biltegiatzea.
- I atala: Ostalaritza (talde hau izan ezik):
 - 56.3. taldea. Edaritegiak.
- J atala: Informazioa eta komunikazioak.
- M atala: Jarduera profesional, zientifiko eta teknikoak.
- N atala: Administrazio jarduerak eta zerbitzu lagungarriak (multzo hau izan ezik):
 - 80. multzoa. Segurtasun eta ikerketa jarduerak.
- P atala: Hezkuntza (multzo hau baino ez):
 - 85.6. multzoa. Hezkuntzako jarduera lagungarriak.
- Q atala: Osasun jarduerak eta gizarte zerbitzuak (multzo hauek baino ez):
 - 87. multzoa. Egoitzetako laguntza.
 - 88. multzoa. Ostaturik gabeko gizarte zerbitzuetako jarduerak.
- R atala: Arte, aisialdi eta denbora-pasako jarduerak (multzo eta talde hauek baino ez):
 - 90. multzoa: Sormen, arte eta ikuskizunen jarduerak.
 - 91. multzoa: Liburutegi, artxibategi eta museoetako jarduerak eta beste kultura jarduera batzuk.
 - 93.2 taldea: Aisialdi eta entretenimendu jarduerak.
- S atala: Bestelako jarduerak (multzo hau baino ez):
 - 95. multzoa. Ordenagailuen, norberaren gauzen eta etxeko gauzen konponketa.

Salbuespenez, interes nabarmena duten proiektuak direnean, aurreko epigrafeetan agertzen direnez bestelako jarduera nagusia duten enpresak ere onuradun izan ahaliko dira, Ekonomi eta Lurralde Garapena Sustatzeko Saileko foru diputatuaren ebazpen arrazoituaren bitartez.